



UNIVERSITÄTS-
BIBLIOTHEK
PADERBORN

Universitätsbibliothek Paderborn

Io. Francisci Leonis Eporediensis I. V. D. Episcopi Thelesini Thesaurus Fori Ecclesiastici

Leoni, Giovanni Francesco

Coloniae Agrippinae, 1682

25 Concilium generale solus Summus Pontifex indicere, & dirigere potest.

urn:nbn:de:hbz:466:1-10316

laicum cognoscit, cujus cognitio ad eum pertineat; post decretas canonicas censuras, ipsisque minimè sufficientibus, tunc auxilium à sæculari iudice sit implorandum, quasi non alia sit adversus laicos iudici ecclesiastico permessa coercendi potestas, ut per Covar. qui alios citat in *lib. pract. quest. d. 6. 10. nu. 2. post princ.* Quoniam iudicibus ecclesiasticis est prohibita relaxatio censurarum, nisi, postquam sibi constiterit executionem realem, & personalem fieri non posse, ut inolevit stylus Romanæ Curie per totum orbem receptus, hodie servata ejusdem decreti Concilii forma allegata per Covar. *d. n. 2.* sunt per hoc jus novum reformata, & iudices ecclesiastici primò ad realem, vel personalem, & postremò ad centuras ecclesiasticas in juris subsidium procedere debent, & excommunicatio non, nisi in subsidium

23 profertur, quia, excommunicatione ¶ nulla major pœna in Ecclesia Dei reperitur, dum spiritualia tractat. *cap. corripitur. 24. q. 3.* & Abb. in *cap. cum dilectus. 24. nu. 6. de hinc, qua vi, metusve cau.* Ideo ea sobriè, & magna cum circumspectione est relaxanda, Conc. Trid. in *d. cap. 3. in princip.* Cùm enim ecclesiasticus iudex, dictâ formâ servatâ, possit in subsidium ad excommunicationem procedere, ergo primò ad executionem realem, & personalem; quia concessio uno, censentur concessa omnia ea, per quæ pervenitur ad illud, *l. ad rem mobilem, & l. ad legatum, ff. de procur. cum aliis supra allegatis.*

Secundò, quòd Episcopi possint habere 25 te familiam armatam, faciunt verba Concilii satis clara, ibi, contra quoscunque etiam laicos per multas pecuniarias &c. seu per captionem pignorum, personarumq;

distinctionem per suos proprios, aut alienos exequutores, ut in *ead. cap. 3. §. in causis vero.* Unde, si per suos exequutores ad captionem personarum procedere possunt, ideo, quòd familiam armatam habere possint, est faciendum, arguendo à concessione consequentis, ut in *c. cum infirmis, de pœnit. & remiss.* cum vulg. tum, & familia contra laicos, qui, verbis expressis ejusdem Concilii, ibi contra quoscunque etiam laicos, sunt comprehensi, uti possunt, ut in *ead. §. in causis*, idq; tam in eriminalibus, quàm civilibus, ut in *§. in causis quoque, eod. c. 3. & c. 2. de adult. cap. gaudemus, de convers. conjugat. cap. attendendum, 17. qu. 4.* & alia jura supra in veris primò, quòd Episcopo, allegata procedunt, & habent locum non solum contra clericos, sed etiam contra laicos, quia loquuntur generaliter de servis, & liberis, ideo generaliter etiam de laicis intelligi debeat, *l. 1. §. quòd autem, ff. de ale. luf. & aleat.* Bart. in *l. si pluribus, ff. de leg. 1.* ubi quòd in dispositione legali ¶ indefinita æquipollet universali, & Alciat in *c. 1. n. 7. & seq. nu. 14 & seq. de offic. ord.* & post longas, & arduas disputationes coram Pio V. habitas, scribentibus hinc inde quamplurimis præstantissimis advocatis, quòd Episcopis liceat habere familiam armatam, fuit decisum, & postea præcipuè in Italia observatum, quia, cum verba sacri Concilii Trid. sint satis clara, per decretum ejusdem Concilii omnia in contrarium facientia fuerunt reformata; cùm fuerit non solum ¶ auctoritate Pontificis dictum Concilium celebratum, ad quem solum spectat illud indicere, & dirigere, ut in Bull. *resumpt. Concil. Trid. sess. 10.* si ad idem Concilium vocati fuerunt, & ei inter-

26 *terfuerunt Imperator, Reges, Republicæ, Ducēs, & omnes Principes Christiani, ꝛ qui vocati Concilio generali interesse possunt, ut cap. Adrianus, 63, in dist. si & Abb. in q. 1, n. 27. ac etiam hæretici, quibus omnibus saluus conductus concessus fuit, ut in Conc. Trid. sess. 13, in fine, & in decret. de observant. decret. conc. sess. 25. qui per seipfos, vel eorum oratores interesse voluerunt. Et cum dicta decreta fuerint facta cum præsentia, & consensu etiam Principum sæcularium, qui oratores cum speciali mandato miserunt, constituunt jus generale, & commune, & uti jus novum, in quibus iura antiqua discordant, & leges antiquæ per hoc jus novum fuerunt abrogatæ, cum posteriores leges prioribus derogent, l. sed, & si posteriores, ff. de legi. capit. 1. de constit. in 6. & Port. conf. 37. n. 12. Nec dictæ conclusioni potest adaptari distinctio, quæ ab aliquibus nimis subtiliter deducitur, tempore, quod dispositio Concilii circa familiam armatam duntaxat, procedat in locis, in quibus Episcopi habent etiam dominium temporale, non autem, ubi habent tantum jurisdictionem spirituales, quia dicta distinctio est divinatoria, & quando lex non distinguit, nec nos distinguere debemus, l. de pretio cum gloss. & ibi Bart. ff. de publ. in rem act. præsertim, quando agitur de interpretatione decretorum sacri Conc. Trid. quæ interpretari non possunt, nec declarari, nisi à Papa, vel à sacra Congregatione eidem Concilio interpretando præposita, quia Papa inquit: Nos enim difficultates, & controversias, si quæ ex iis decretis ortæ fuerint, nobis declarandas, & decidendas, quemadmodum ipsa quæque sancta Synodus decrevit, reservamus,*

ut in Bulla Pii IV. quæ incipit, Benedictus Deus, in fine prædicti Concilii, §. Nos enim, & sub rubric. de recip. & observand. decret. conc. sess. 25. & à verbis legis non est recedendum, l. prospexit, & ibi Bartol. ff. qui, & à quibus, & cap. in memoriam, 19, distinct.

Decretum verò Concilii generaliter loquitur contra quoscunque, etiam laicos, per multas pecuniarias, seu per captionem pignorum, personarumque distractionem, & quando lex generaliter loquitur, generaliter est intelligenda, l. 1, generaliter autem, ubi etiam gloss. in verb. in infinitum, ff. de leg. præst. & Port. conf. 208, num. 3, volum. 4. si enim Episcopus reos personaliter capi, & carcerari facere potest, quod habeat familiam armatam oportet: quia à communiter accidentibus delinquentes incedunt armati, qui ab armatis vix capi possunt, & ab inermibus multo minus se capi permetterent. Magistratus verò sæculares, quorum præcipue causa aliquibus in locis Episcopi impediuntur, quominus familiam armatam habere possint, Theologos consulere debent, an propterea incidant in sententiam excommunicationis, aliasque pœnas in Bulla Cœnæ Domini contentas, de quibus per Navat. de excomm. Bull. Cœnæ Domini, cap. 27, num. 70. & Graff. decis. aur. par. 1, lib. 4, cap. 18, num. 129. & hæc impedimenta etiam de facto illata non inducunt statim, nec consuetudinem contra sacri Concilii Tridentini dispositionem; cum bulla confirmationis ejusdem Concilii, de qua supra habeat decretum irritans, ut in §. decernentes, quod omnia, quæ in contrarium fiunt, annullat ipso jure, cap. si eo tempore, de elect. & cap. quodam, de præben. in 6.

Neque